




# ԷԿՈՒՄԵՆԻԿ

## ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ  
ԿԵՆՏՐՈՆԱԿԱՆ ԿՈՄԻՏԵԻ 31-ՐԴ ՆՍԱԾՐՋԱՆԸ  
ՃԱՄԱՅԿԱՅՈՒՄ

Ծամայկայի Եկեղեցիների խորհրդի հրավերով 1979 թվականի հունվարի 1—11-ը, Կինգատոնի համալսարանական թաղամասում, Եկեղեցիների համաշխարհային խորհրդի Կենտրոնական կոմիտեի նախագահ ղոկտոր Էդվարդ արքեպ. Սկոտի և նախագահի տեղակալ տիկին Ժեան Սկյուզեի ղեկավարությամբ տեղի ունեցավ ԵՀԽ-ի Կենտրոնական կոմիտեի 31-րդ նստաշրջանը:

Նստաշրջանին Հայաստանյայց առաքելական եկեղեցու անունից մասնակցում էին ԵՀԽ-ի Կենտրոնական կոմիտեի անդամներ տ. Ծաֆե արքեպ. Աճեմյանը և տ. Արսեն եպս. Բերբերյանը:

Նստաշրջանին ներկա էին Հոռմեական կաթոլիկ եկեղեցու և համաշխարհային քրիստոնեական այլ կազմակերպությունների ներկայացուցիչներ, խորհրդականներ, դիտորդներ:

Կենտրոնական կոմիտեի նստաշրջանի բացման նախօրյակին, 1978 թվականի դեկտեմբերի 31-ին, համալսարանի մատուռում ժամը 23-ին կատարվեց Նոր տարվա ծամերգություն:

Հաջորդ առավոտյան, նույն մատուռում, նստաշրջանի բացման առթիվ կատարվեց Էկումենիկ ծամերգություն, որից հետո լիա-

գումար միստերի դահլիճում կայացավ Կենտրոնական կոմիտեի սույն նստաշրջանի պաշտոնական բացումը:

Նիստի մասնակիցներին ջերմորեն ողջունեց Ծամայկայի Եկեղեցիների խորհրդի նախագահ հայր Սեմ Ռեդը:

Սկզբում լուծվեցին նստաշրջանի կազմակերպչական աշխատանքների հետ կապված հարցեր, ապա հաշվետու զեկուցումով հանդես եկավ Կենտրոնական կոմիտեի նախագահ ղոկտոր Էդվարդ արքեպ. Սկոտը:

Իր զեկուցման մեջ նա, մասնավորապես, շոշափեց մարդու քրիստոնեական կատարելության պրոբլեմները:

Զեկուցման մեջ մեծ տեղ էր հատկացված ճշմարտության քրիստոնեական հասկացությանը և նրա իմացության ուղիներին:

Նույն օրը զեկուցումով հանդես եկավ ԵՀԽ-ի գլխավոր քարտուղար ղոկտոր Ֆիլիպ Փոթըրը, որի զեկուցման մեծ մասը նվիրված էր ԵՀԽ-ի 30-ամյակին, այդ ժամանակաշրջանում նրա գործունեության արդյունքներին և հեռանկարին: Զեկուցման մեջ լայն տեղ էր հատկացված ԵՀԽ-ի՝ ուսիզմի դեմ պայքարի ծրագրի հատուկ ֆոնդի գործունեությանը, ուսաբական ճնշման ենթարկված ժողովուրդներին և խմբերին



ԵՀԽ-ի անդամ եկեղեցիների և քրիստոնեական խմբերի կողմից ցույց տրված շոշափելի օգնությամբ: Դոկտոր Փոթըրը իր զեկուցման մեջ քննության առավ ևս եկուսեցիկ շարժման մեջ եկեղեցիների փոխադարձ պատասխանատվության, անդամ-եկեղեցիների և ԵՀԽ-ի միջև եղած փոխհարաբերությունների, ինչպես նաև հավատի դավանության միության հասնելու աշխատանքներում Աստուծո ժողովրդի մասնակցության վերաբերյալ հարցերը:

Հաջորդ օրը մատաշրջանի մասնակիցները քննարկեցին ԵՀԽ-ի գործունեության ծրագրերի վերանայման հատուկ կոմիտեի զեկուցումը և ֆինանսական կոմիտեի հաշվետվությունը:

Երեկոյան մատաշրջանի մասնակիցներին ուղղված մի ճառով հանդես եկավ ժամայկայի պրեմիեր-մինիստր Մայքլ Մեմլին: Նրա ելույթը նվիրված էր Միջազգային Նոր Տնտեսական բարեկարգության հարցերին:

Չորեքշաբթի օրը, հունվարի 13-ին, ճշտաշրջանի մասնակիցները բաժանվեցին խմբերի՝ չորս թեմատիկ կոմիտեներում աշխատելու համար: Դրանք են՝

«Հավատք և վկայություն»,

«Արդարություն և ծառայություն»,

«Կրթություն և բարեփոխություն» ծրագրային միավորների կոմիտեները, ինչպես նաև գլխավոր քարտուղարության կոմիտեն:

Այդ թեմատիկ կոմիտեներում քննության առնվեցին ԵՀԽ-ի ողջ գործունեության ծրագրերը:

Թեմատիկ կոմիտեների աշխատանքը շարունակվեց մինչև երկուշաբթի, հունվարի 8-ը:

Հինգշաբթի օրը, հունվարի 4-ին, երեկոյան, ժամայկայի ընդհանուր նահանգապետ, մեծարգո Ֆլորիզել Գլասսպոլը «Կինգ Հաուզ» պալատում մեծ ընդունելություն կազմակերպեց՝ ի պատիվ Կենտրոնական կոմիտեի մատաշրջանի մասնակիցների:

Ուրբաթ օրը, առավոտյան, հունվարի 5-ին, պլենարի միաստում տեղի ունեցավ «Հույս և միասնություն» թեմայի քննարկումը, որը պատրաստել էր մատաշրջանի համար ԵՀԽ-ի «Հավատք և եկեղեցական կառուցվածք» հանձնաժողովը: Թեման ներկայացրին դոկտ. պրոֆեսոր Ն. Նիսսիտիսը (հույն օրթոդոքս եկեղեցի) և հայր Տիլլարը (հռոմեական կաթոլիկ եկեղեցի):

Երկուշաբթի օրվանից մինչև հինգշաբթի, հունվարի 8-ից մինչև 11-ը, կայացան լիազումար միասնություն:

Գլխավոր քարտուղարության կոմիտեի և մյուս 4 միավորների հաշվետվության կա-

պակցությամբ Կենտրոնական կոմիտեն ընդունեց համապատասխան որոշումներ:

Կենտրոնական կոմիտեն քննարկեց և ընդունեց նաև ֆինանսական կոմիտեի զեկուցումը ԵՀԽ-ի 1978 թվականի բյուջեի իրագործման, ԵՀԽ-ի 1978 թվականի ֆինանսական դրության և ԵՀԽ-ի 1979—1981 թվականների բյուջեի նախագծերի մասին: Կենտրոնական կոմիտեն անդամ-եկեղեցիների ուշադրությունը հրավիրեց ԵՀԽ-ի բյուջեի բացը կապելու այն ուժեղացող դժվարությունների վրա, որոնք տեղի են ունենում ամերիկյան դոլլարի շարունակվող արժեքազրկման կապակցությամբ, և նորից կոչ արեց նրանց՝ ուժեղացնել իրենց ֆինանսական մասնակցությունը Միջազգային խորհրդի կյանքում:

Կենտրոնական կոմիտեն բազմաթիվ որոշումներ ընդունեց անձնական հարցերի շուրջը: Այդ որոշումներից մեկը եմք հետևյալները.

— ԵՀԽ-ի նախագահության անդամ, Լեմինգրադի և Նովգորոդի միտրոպոլիտ տ. Նիկողոսիմ սրբազանի մահվան կապակցությամբ Կենտրոնական կոմիտեն միաձայն որոշմամբ այդ պաշտոնին նշանակեց Համայն Վրաստանի Պատրիարք-կաթողիկոս Իլիա Բ-ին:

— ԵՀԽ-ի գլխավոր քարտուղարի տեղակալի պաշտոնին միաձայն որոշմամբ կոչվեց Սոֆիայի ս. Կլիմենտ Օխրիդակու անվան հոգևոր կաճառի դասախոս, պրոֆեսոր Թոդոր Սաբևը (բուլղարական օրթոդոքս եկեղեցի):

— Կենտրոնական կոմիտեն հաստատեց 1-ին, 2-րդ և 3-րդ ծրագրային միավորների տնօրեններ՝ դոկտ. Լուկաս Ֆիշերի, դոկտ. Խիրապուտոն Իտտիի և տիկին Բրիգայի համի ԵՀԽ-ում տարած բազմամյա աշխատանքի ավարտումը ընթացիկ տարում:

— Կենտրոնական կոմիտեն միաձայն վերընտրեց իր ծրագրային կոմիտեն:

— Կենտրոնական կոմիտեն միաձայն և երախտագիտությամբ ընդունեց Կանադայի եկեղեցիների խորհրդի առաջարկությունը՝ ԵՀԽ-ի վեցերորդ համաժողովն անցկացնել 1983 թվականի ամռանը Վանկուվեր քաղաքում:

— ԵՀԽ-ի Կենտրոնական կոմիտեի առաջիկա մատաշրջանը տեղի կունենա 1980 թվականի օգոստոսի 14—22-ին Ժնև քաղաքում:

Կենտրոնական կոմիտեի մատաշրջանն ավարտվեց համալսարանական մատուցում կայացած Էկումենիկ ժամերգությամբ: